

ত্রিপুরা সরকার
তথ্য ও সংস্কৃতি অধিকার

স-৫১৪২

আগরতলা, ১১ মার্চ, ২০২৪

লোকসভা নির্বাচন ২০২৪

**পুলিশ আধিকারিক ও আধাসামরিক বাহিনীর
আধিকারিকদের নিয়ে সিপার্ডে প্রশিক্ষণ কর্মশালা**

লোকসভার আসন্ন সাধারণ নির্বাচন সুষ্ঠু ও অবাধভাবে সম্পন্ন করার লক্ষ্যে নির্বাচন দপ্তর পুলিশ আধিকারিকদের এবং আধাসামরিক বাহিনীর অফিসারদের নিয়ে আজ সিপার্ডে এক প্রশিক্ষণ কর্মশালার আয়োজন করেছে। এই প্রশিক্ষণ কর্মশালায় মুখ্য নির্বাচন আধিকারিক পুনীত আগরওয়াল, অতিরিক্ত মুখ্য নির্বাচন আধিকারিক শুভাশিস বন্দ্যোপাধ্যায়, স্টেট পুলিশ নোডাল অফিসার জি এস রাও, সিআরপিএফ ও বিএসএফ-এর আইজিপি, রাজ্যের আট জেলার পুলিশ সুপার ও অতিরিক্ত পুলিশ সুপার, টিএসআর ব্যাটেলিয়নগুলির কমান্ডেন্টগণ, সিআরপিএফ ও বিএসএফ বাহিনীর কোম্পানি কমান্ডেন্টগণ উপস্থিত ছিলেন। কর্মশালায় নির্বাচনকে সুষ্ঠু ও শান্তিপূর্ণভাবে সম্পন্ন করা এবং ভোটাররা যাতে আইনের প্রতি আস্থা রেখে নির্বিষ্ণে ভোটদান করতে পারেন এই উদ্দেশ্যে পুলিশ প্রশাসনকে বিভিন্ন নির্বাচনী কর্মকাণ্ড পরিচালনা ও নিয়ন্ত্রণ কিভাবে করতে হবে তা নিয়ে আলোচনা করা হয়। এছাড়া বিভিন্ন স্পর্শকাতর এলাকাগুলিতে ভোটারদের মধ্যে আস্থা অর্জনের উদ্দেশ্যে নিয়মিত টহলদারি ও মার্চ পাস্ট করা, সীমান্ত অপরাধ বিরোধী অভিযান চালানো ইত্যাদি বিষয়েও আলোচনা হয়। মুখ্য নির্বাচন আধিকারিকের কার্যালয় থেকে এই সংবাদ জানানো হয়েছে।
